

武功縣志

卷一  
地理志  
建置志

嘉慶甲戌年刊

續武功縣志

綠野書院藏板

續武功縣志序

原夫方志流別出自禮經體例淵源肇諸史部故聖人言禮必文獻有徵列國名書亦春秋著號然則志乘有作明備宜宗經曲體要貴法馬班也固矣明康氏海撰武功縣志起上古終正德已卯例著七篇其書長於取裁短於辨例而詞意高潔選擇精嚴規仿龍門得其斷制覈厥宗旨在元和九域之間非樂宋諸家所能企及夙稱名志亦復何愧繼此三經修纂成於康熙壬寅雍正癸丑乾隆甲辰皆各爲一書易致散佚予前撫陝西偶讀康氏志欲合三志續前志後以便檢閱而未得其暇嘉慶十八年癸酉武功令張君樹勳有志編纂適延長令王君森文緣事罷官王君爲會稽章實齋先生學誠門人得聞志乘體例因屬二君合纂續志是冬書成其書依據三次遞修舊本參以鄉先生孫檢討景烈所撰邨

序

一

封聞見錄並紳耆采訪新冊合爲一編事無罣漏而義例恪遵康氏則續志體裁宜然譬諸布帛雖體有廣幅而製無別裁爾雅曰繼旒曰旒廣狹異製烏能成其旒哉予於是冬移撫粵東瀕行二君乞一言弁其首予喜二君能成予志因臚列始末以識修輯梗概焉是爲序

賜進士及第廣東巡撫上元董教增撰

原序

夫志者史之所取材也。合而爲史。散而爲志。則志不可無也。然美惡者俗。利病者法。苦樂者情。賢不肖者人。污隆者運。以至災祥因革。忠臣孝子。烈女貞媛。可爲憂喜。可爲法戒者。靡不具焉。顧事弗彙。則賡。蔓弗芟。則冗。言弗信。則誣。詞弗賁。則俚。合衆美而成之。此所謂文質彬彬者也。邑乘久闕。自正德十五年。以迨今日。歷百有餘禩。而志不一出。君子蓋喟然嗟焉。先大父休寧公。蓋嘗述之。竟齋志以歿。今雖疆域猶昔。而法制之變更。人文之代謝。以至官師隱德。種種不一。卽在近世。已失其半。詢之故老。恍然如夢。若不及時編入。則久而散亡。後有作者。復何所憑以掇拾乎。我梅嶼李公。浙右儒宗也。以豈弟君子。來涖茲土。甫下車。首崇文教。士子咸切矜式。不期月而綱振目張。美政歷然備舉。前因茶臺許公訪邑志

序

二

之未續者。乃以纂修重任。委諸余小子。維熙謏昧不文。譬之執越說燕。人且笑之矣。但命不敢諉。蒐遺典。竄僻聞。謬爲銓次。太史公舊志。昭若日星。茲不復贅。祇就後所未及。見而記者。緝而續之。淺鄙無序。念有深愧。夫豈敢侈然自號爲文。特勉成一帙。以卒先公之業。博雅君子。可供覆瓿云爾。至捐俸命工。昭示來茲。以垂諸不朽。皆我公締造圓成之力。而邠人士不敢忘所自云。

康熙元年歲次壬寅秋八月。邑後學高邑令張文熙撰

原序

我

朝鼎興。百有餘載。盛烈光乎重洽。德茂偃乎八區。率土旻旻。遷善罔匱。於是公卿言天下乂安。承平無事。海內山川。土田政事。風俗人民之美。靡可勝記。若非垂之記牒。則事與年晦。恐無以闡發幽

潛表揚

聖治。

天子可其奏。乃

命直省宏開館局。纂修通誌。附詳其事於古。而秦省則以家 叅  
憲寓舟先生總裁其事。先生博雅宏才。今膺茲任。宜其綜覈詳明  
條分縷貫。而無有遺義。雖古之班馬。何以加焉。華承

命試用秦省。得與校讐之末。聽事日久。雖未能窺公之奧。而亦喜  
有以得公之意也。事未竣。華承檄宜君。宜君小邑也。無誌。華乃卽  
公之所以爲省誌者。創宜君誌。宜君人不吾非也。逾年調宰今武  
邑。邑固有有明康殿撰撰誌。但迄今二百餘年。雖典型在望。而其  
文漫漶不可復識。卽一修於張明府之手。然

聖朝休養生息。含濡茲土於百年之盛者。尚待有所表章。竊思起

序

三

而修之。得邑人南阿山人續著縣誌私稿。惜多未備。華與孝廉崔  
孟宣等。爲之覆核增刪。期於可信。且補入近年事跡。其所以爲武  
功誌者。大旨則又與宜君等也。華因思是書之成。雖不敢抗衡前  
哲。竊幸闡發幽潛。表揚

聖化。不至背謬者。則皆 叅憲公之所啟益也。而華敢自以爲多  
哉。誌成。呈之 叅憲公。公曰可。質之邑諸君子。無不可者。遂命梓  
焉。

雍正十一年歲次癸丑孟冬上澣知武功縣事沈 華撰

原序

邑乘之書。紀載不出州里。而政令沿革。民風土習之淳漓得失。皆  
可按籍而考。洎官行政者。得所據依。以爲張弛之具。其裨益洵非  
淺鮮也。武功邑志。肇自有明康對山太史。論者謂與韓苑洛朝邑

志並爲陝省邑志之冠。然苑洛才氣濶達。考證間有疎漏。對山文筆簡潔。最能合史傳體裁。惜其成書太速。甫七月而事竣。其於農田學校諸大政。及人物藝文之足資採擇者。亦微有罣遺。後賢繼起踵修。若張暨沈二志。又皆自爲續稿。以成專書。而對山之作。訖無增損於其間。誠以前人著述之美。未可輕易點竄。然事經三。數百年政治。人民日益繁富。苟非彙集典故。勒成一書。則考古者終有不醇不備之慮矣。前令錢君有菴。以名賢英胄。來宰是邦。甫下車。卽殷然以徵文考獻爲先務。適長洲吳竹嶼舍人。來主關中書院。遂以志事相屬。廣搜博採。纘輯舊聞。編定新志若干卷。凡康志之文。悉仍舊貫。其他隨事附益。條理秩然。燦若指掌。余適承錢君之後。得遂觀其成。以告葺事。良足幸也。昔唐姚合嘗宦武功。作縣居詩三十首。備述山邑蕭閑之致。想見其時政務清簡。長吏得以

序

四

優游賦詩爲樂。余自愧才拙。公事黽勉不遑。詎敢追步曩賢。以吟詠自適。然而有邵舊封。詩人所咏。漆沮之間。風土醇茂。後之留心治術者。得是書以考稽掌故。可以不下堂階。而得觀民勵俗之道焉。則余與錢君撰錄之意。不可謂非同調也。書旣成。將付諸剞劂。以垂永久。因誌其緣起如此。時

大清乾隆四十九年歲次甲辰三月中浣文林郎知縣事樂昌黃  
景略撰

武功縣續志原序

盈天地間蕃育者難以更僕而總醞釀於山水。故省會郡邑皆山水所蟠結而成。人物風土於是乎肇。書契遂興。後人因之以作志。然畧焉而勿詳。始焉而勿繼。識者不無代遠人湮之感。庚子春仲。得銓武功令。夏且治裝。發自都門。歷三千里而後至。見其崇岡環抱。曲水流澌。千峰競秀。一壘摩空。不覺掀髯鼓掌曰。此中大有佳處。及與邑之大夫士晉接。揖讓都雅。不愧名邦。向望氣而擬之。今覲面而知之矣。但鉛刀初試。未遑翫縷。事稍暇。取吏所進城圖志書而覽之。諸戶口土壤祠壇古蹟耆德尊宿。後先輝映。俱較若列眉。至細閱序跋。則爲康太史所纂。終於正德之十四年。以後尚缺焉有待。會許茶臺有通修秦省之舉。檄取續志。余躬請鄉先生酌議。元白張明府身任厥事。不數日而脫稿。微者顯之。幽者闡之。雖

序

一

良史不是過也。擬卽授之剞劂。適事冗未果。忽焉裘葛已更矣。諸先生復以續志相商。余斂容謝不敏。曰。忝司郟令。久玷牧符。苦局難了者。尚思了之。矧此爲光前傳後之書。而又非甚苦。其何敢諉。卽糾匠繕寫。壽之於木。其工食等費。悉以俸薪相給。斷不襲往日陋規。諸先生唯唯而別。因憶少年時。與同人談及名公巨卿佳山勝水。輒欣然神往。以足跡未能到爲恨。茲邀

天家一命之榮。涉淮泗。踰太行。取道於燕豫齊晉之墟。渡河而抵關中。山川映發。應接不暇。獲交於先生長者。已不啻錫百朋而貽瓊玖。迺卒讀郟志。康太史修之於前。張明府續之於後。余拱手受成事。俾識先哲之鴻篇。華胄之世譜。眞足以灑練心腑。袪除鄙吝。余小子其有幸哉。其有幸哉。謹役隄糜不律。而紀其巔末於簡端。

康熙元年秋仲吳興李紹韓膽人氏撰

續修武功縣志

總纂

特調長安縣知縣前武功縣知縣

張樹勳

廩貢生浙江秀水縣人

編輯

雒南縣知縣前任延長縣知縣

王森文

嘉慶乙丑進士山東諸城縣人

採訪

山丹縣教諭邑舉人

黨行義

富平縣訓導邑廩貢生

張溶

世襲恩騎尉邑生員

馬象南

邑舉人

張燕翼

邑歲貢生

馬浚六

邑歲貢生

華有詩



邑歲貢生

焦鑑

邑生員

楊本哲

邑生員

段書田

邑生員

李映奎

邑生員

高登鰲

邑生員

陳景韶

邑生員

張攀龍

邑生員

楊甲木

邑生員

馬筮咸

邑生員

孫奕塏

校刊

邑生員

張樹楠







武功縣圖

卷之一

續武功縣志卷之一

地理志第一

武功地理沿革山川俱詳康氏前志間有遺誤考據正史水經參以孫氏景烈邵封錄有足補正前志者并著於篇

史志地理縣境山川古蹟必附子注蓋取識一縣疆域以示後世故年代久遠考其形勢猶可得所依據漢書地理志雍有五時諸

祠今鳳翔縣漆有漆水在縣西元和志漆水在新平縣西九里北流注涇寰宇記名白土川今名水

簾河漆縣魏改今邠州自漢迄隋無改置惟北魏志雍縣有周城白土隋改新平兼有美陽西境仍不接

壤武功美陽有岐山今扶風縣郿有成國渠今岐山扶風南境在渭

北武功有太壹敦物斜水今郿縣在渭南後漢郡國志美陽有岐

山周城周原故城見後漢書梁懂傳懂轉戰武功美陽闕注美陽縣名故城在武功縣北七里於其所置闕仍今

扶風地無檠而郿有郿亭注引新論郿在漆縣蓋所以廣異聞傳注立文往往如此蓋省檠入

卷之一

郿非入武功而郿仍在渭北武功自永平八年復太壹斜水如故

亦仍在渭南降及蜀魏據諸葛亮與步騭書前軍出五丈原在武

功西十餘里武功亦未移渭北晉地理志郿與美陽武功山水無

改置惟晉杜預左傳注駘在始平武功縣所治檠城音義駘依字作郿則

武功徙治檠城在晉不在漢且武功雖有渭北檠地而渭南舊境

仍隸武功北魏地形志真君六年改郿置平陽平陽有五丈原七

年盤屋并武功故志無武功蓋二縣并有武功渭南地太和十

一年分扶風置武功郡治美陽美陽有岐山太白山駱谷郿亭蓋

武功渭南地復屬美陽而武功置郡僅屬虛號酈道元注水經

當在真君七年後北史本傳道元為冀州鎮東府長史在景明中距真君七年五十餘年時無武功

縣渭水注云東逕郿縣故城南又東過武功縣北又東逕武功故

城北王莽新光蓋西漢故城又東溫泉水注之又東逕檠縣故城南又東中

亭水注之。郿改平陽。故稱故城。釐無武功。故稱釐縣。下有武功故城。故武功仍襲舊稱。中亭水會雍。注云。南逕美陽縣西。考其形蹟。當在今漆邨東。蓋武功舊治釐城。復治美陽。郡移而名隨。故漆邨以東堡寨。今猶稱郿封里。史記曹相國世家。參攻雍釐。正義引括地志曰。故雍。句縣南七里。故釐城。一名武功。句縣西南二十二里。古釐國也。蓋釋二縣。非專注古釐文。水經注釐城東北有姜嫄祠。

長安志祠在武功西南二十二里 今扶風東南四十里。俗名姜嫄嘴。有姜嫄廟。雍正

五年鐘欵載扶風縣郿城鄉姜嫄嘴 距武功西南三十里。蓋秦漢釐縣舊治。非周武

功縣。亦非魏美陽城。自北周移治。由隋迄明。皆治中亭川。

國朝仍明制。隸西安府乾州。雍正三年。改乾州爲直隸州。武功仍隸乾州。不更屬西安府。鄉里爲一縣。疆理制度。古今沿革尤多殊異。武功鄉名。秦漢有壤鄉。唐十四鄉。有中水鄉。餘無考。宋四鄉。統四里。縣東高望鄉。統望鄉里。縣南周原鄉。統懷德里。縣東南節婦鄉。統顯揚里。縣北義門鄉。統順義里。明分十五里。末年因兵荒散亡。并俱得奉安爲俱奉里。坊廂姚安爲姚坊里。

國朝順治十六年。裁明屯衛軍地屬縣。更設左右中前後五衛。衛地

皆名 康熙五十九年。乾州民買種武功地。名寄莊里。實無邨落。雍

正九年。改明秦藩采地屬縣。爲更名里。亦雜廁各里。皆不成里。武功鄉制。實有五衛十三里。嗣因民間過割地畝。輾轉糾紛。遂致疆理紊亂。里法不能統一。縣之地。雍正七年。檄立社倉。建九社。爲在城長寧大莊普濟薛固永安楊陵游鳳魏公九鎮。乾隆十五年。又分置韓店社爲貞元鎮。共十鎮。里衛邨落始有所統。康熙二十二年。分興平扶風武功渭北地。設西安駐防兵馬廠。武功廠地。東西五十二里。南北二里五里不等。地屬駐防。不在十鎮中。統計縣境。

南北四十五里。東西六十里。東至興平界四十五里。治九十里。南至盤屋界二十五里。治四十里。西至扶風界十五里。治六十里。北至乾州界二十里。治六十里。距西安府一百九十里。

京師二千八百里。孫氏景烈曰。武水。縣東門外北來水。宋游靖重修縣廳碑云。鳳岡西拱。武水南領。今改武功爲武亭縣。其地理志有武亭河。則武水之名已久。而明對山康氏縣志。誤以此爲漆水。余嘗辨之。今按武水。乃水經之杜水。源出麟遊縣西五十里招賢鎮杜山之陰。卽水經所謂水發杜陽縣大嶺側。世謂之赤泥峴。沿坡歷澗。俗名大橫水也。與出杜山之陽之小橫水異源。小橫水亦曰杜水。

水經又謂大橫水東南流。逕杜陽故城。世謂之故縣川。二坑水注之。水有二源。一水出西北。與瀆魃水合。而東歷五將山。又合鄉谷水。出鄉溪。東南流。謂之鄉谷川。此下有闕文。杜水又南。茨水注之。茨水卽乾

卷之一

三

州之漢谷水

又南逕美陽之中亭川。水經注。雍水謂之中亭川。今按雍水卽漳水。俗名後河。詳見漳水下。

據此則武水爲大橫水。又名杜水。明甚。而武功人自宋至對山作縣志時。不謂之杜水。橫水。直謂之武水者。蓋以此水西北來。下好時至黃家堡入武功界。遂易其名。弗之考耳。至漢漆縣之漆水。源出麟遊縣西百二十里。舊普潤縣。隋縣名。西之青青山。東南流數十里。折而西。卽岐山縣北境之朱家河。又西流。至鳳翔之亢家河口。與岐水合。又西至杜陽川口。與杜水合。水經注云。杜水東南流。合漆岐二水。俗謂之小橫水。以武功河爲大橫水。亦或名之米流川。逕岐山而東。與雍水合。岐山縣志云。岐梁諸山之水。自汧水以東。在岡脊之南者。俱歸雍水。在岡脊之北者。俱歸杜水。卽大橫水。而會於武功之川口。南流入渭。可謂言簡而明且確矣。漢谷水。漢金史作莫。源出永壽麻亭嶺。逕乾州西南夾道中三十里。至董晁邨入縣界。又至

縣東門外二水寺。從武功水南流。唐德宗之如奉天也。朱泚反。遂犯

奉天。

建中四年十月戊申。德宗如奉天。丁巳。朱泚犯奉天。辛酉。戰於漠谷。

靈武鹽夏渭北諸將合兵

入援。上召將相議道所。從出渾城。曰。漠谷險狹。恐爲賊所邀。不若自乾陵北過。且分賊勢。盧杞曰。漠谷路近。若爲賊邀。則城中出兵應援。上從杞策。援兵死傷甚衆。退保邠州。此漠谷之見於史鑑者。無可疑矣。安得因鄉人訛。漠谷爲沐浴。轉疑其訛。讀沮爲浴。而遂指此爲沮水耶。武功無漆沮。學者自能辨之。漳水。據寰宇記。源出岐山縣東北六里。漳谷東。元和志。漳川縣。以縣南漳水爲名。省志。魯班溝。在岐山縣東十里。龍尾溝。在岐山縣東二十里。麻葉溝。在岐山縣東二十五里。俱有小水南流入交河。漳水出岐山縣境。當卽魯班溝諸水。今則直指雍水爲漳水矣。按岐山縣志。雍水卽音濇。河源出鳳翔雍山平地。自岐山縣西南十五里河北邨。東流

卷之一

四

至交河。與小橫水合。又東至龐義邨。魯班溝水南注之。又東至侯家灣。龍尾溝水。北自灣西注之。麻葉溝水。北自灣東注之。又東。一名漳水。一名白水。逕坡子頭。入扶風界。自是而逕扶風縣東門外。受鳳泉水。東至武功縣西南十里之聶邨。下。入武功界。又東南逕武功之鏡照寺。殷彭邨。崔家溝。趙家河。牛家河。許家溝。約二十里。俗名後河。後河之名。自岐山扶風至武功。無或易者。以渭水在前。漳水在後。故也。至楊邨。與武水合焉。宋游靖重修縣廳碑云。宇文造周。易治中亭。水經。美陽中亭川注云。雍水謂之中亭川。據此。則雍水卽爲漳水。復何疑歟。清水。不見縣志。其源則扶風齊家務東南數里之湧泉也。東行三十里。至武功縣西南隅。永安邨。渭水之北。傍渭而行。約七八里。至橋頭。始入於渭。渭水。縣之南界也。源出鳥鼠山西北。水經注。渭水又東。東逕鄜。及武功槐里縣北。此指渭南之武功言。今逕武功縣南

矣。自縣西南界永安邨而東。逕縣南界六十里。入興平界。縣志未載。

卷之一

五

建置志第二

建置。志法度也。考其興廢。而治忽寓焉。法度所在。城為重。

縣城。西據稷山。東臨武水。周三里二百二十步。池深八尺。東一門。曰觀瀾。南二門。東曰集賢。西曰望月。北二門。東曰迎仙。西曰來鳳。明代修築。正德以後無考。

國朝康熙二十五年。知縣徐奇桂重修。並建各門磚樓。乾隆十八年。知縣龔師勝復修。如舊制。城內街衢。東門大街。西至大十字。為東街。又西至小十字。為學前街。又西至原麓。南折出望月門。為西街。大十字南出集賢門。為南街。北出迎仙門。為小北街。小十字北出來鳳門。為大北街。南為宣化街。東折通南街。為南司巷。

縣署。主治之區。儀門三楹。前後堂五楹。堂中亭。後堂夾室。皆三楹。

明嘉靖五年。知縣廣安州姜恩修治。縣民所輸木也。見鄆縣王檢討九思所撰

卷之一

碑記

國朝初年。知縣費緯祉。康熙元年。知縣李紹韓繼葺。後知縣徐奇桂。建署後磚樓。章紳移建鄩侯廟大門東。樓三楹。舊在迎賓館南。館廢為所夫廳。

今所夫外移改為民壯值宿房並祀衙神。皆間為補綴。嘉慶十六年。樹勳更加修

築門三楹。大門有鼓樓。左右有民快值宿房。獄在西。儀門內。有介石亭廢。左右有六經承房。有皂隸值宿房。堂涂北達大堂。堂五楹。左庫房。右堂房。堂後。堂二。寢一。中曰思古堂。制皆如大堂。惟磚樓廢。思古堂西增南北書房十八間。廚房在西。大堂西。舊縣丞署。自裁邠城驛丞。舊驛在南街馬神廟東草場在驛址東南驛遞歸縣。改為馬號。康熙三十年。章紳重修。嘉慶十三年。樹勳更加開拓。重葺廟宇。增置槽廄。急遞總舖。舊在府行署西。崇禎九年。知縣張含光。貨公地償民賠項。舖遂廢。今歸承發房代辦典史署。在縣署西。營汛署。在南司巷。卽



布政司行署舊址。皆縣之輔也。一縣之治。首先教化。學校實教化之本。

**教諭訓導署**在學前街北。明嘉靖三十四年。教諭荆琨。及邑紳士。倡衆捐修萬曆九年。知縣曹崇朴。移明倫堂舊堂西北。舊基爲敬

一亭。闢門直堂。俱見張鍊重修廟學碑記雍正十一年。教諭姚奮聖。倡邑人重

修。見奮聖重修文昌祠奎星樓碑記萬曆二十六年。知縣薛郭。建尊經閣於堂後

有張汲碑記教諭訓導宅。在堂西。訓導後移縣署西。按察司分司署廢

址。爲學校之輔者。有書院義學。

**有邵義學**在大北街西。舊靜山書院也。義學。舊在城隍廟南。康熙五十七年。陝西學政覺羅逢泰。知縣劉銓。建學堂三楹。並置租地。雍正間。知縣沈華。增廂房四楹。今廢。乾隆八年。知縣楊毓芳。因庭宇湫隘。改置縣署東。名曰靜山書院。靜山者。毓芳字也。門東向。講

卷之一

七

堂三楹。堂後三楹。廂房四楹。院廣六丈四尺。修七丈九尺半。有孫氏景

烈碑記二十六年。知縣瑪星阿。改曰有邵書院。有教諭劉宗孔碑記嘉慶十四

年。樹勳既重修綠野書院。因改爲有邵義學。前志宏治年。里置一學。在城里坊廂里。在

城內今廢鄉學亦廢

**綠野書院**在城東南隅外。本葆真菴故址。明宏治八年。與綠野亭

互易。改爲書院。講堂前建祠。祀宋張子橫渠先生。有吳寬碑記明末。棟

宇傾圯。半爲耕者侵蝕。

國朝康熙五十年。知縣孫琮。勸復舊址。五十六年。知縣田中孚。乾隆十三年。知縣鄒儒。有儒自撰碑記碑逸繼修如舊制。後復荒廢。嘉慶十四

年。樹勳倡紳士重修。建屋五十四楹。刻石記其事。復添置學田。得

實地二十八頃九十畝八分。每年招佃收租。又乾隆二十九年。趙和璧等捐銀五百兩。嘉慶十五年。楊肯堂捐錢四百千。先後交質

庫營息。均充書院義學。師生修脯膏火之資。另刊經費章程。令董事掌執。專司出納焉。

申明亭所以宣化也。縣門外舊有申明亭。久廢。雍正三年。知縣杭雲龍。於在城及八鎮各置鄉約所。月朔宣講。

聖諭。後志有旌善亭。與申明亭同處。今廢。

坊表所以旌善也。孝子坊。在訓導宅南。雍正八年。為孝子宇文燈建。雙節坊。在社倉東。雍正八年。為節婦康閔氏。康耿氏建。後志有康氏世

爵坊在縣門西。馬騮布政使坊在南街。康氏海狀元及第坊在大十字街。東康浩地官大夫坊在學前街。西康河太守坊在小十字街。西楊秉中御史坊在南街。張鎔張鍊兄弟同科坊在東街。李朝綱御史坊在南街。李時芳。崑副使坊在南街。陳奕妻牛氏旌節坊在宣化。禮義生於富。足則積貯。尤為急務。

預備倉古常平也。舊有十五廩。在縣署西。後志十廩。乾隆四年。建北倉七廩。小北街西。貯探買糧舊倉。五年。建南倉七廩。南街東。貯捐監

卷之一

八

本年。又建西倉五廩。縣署西。貯預備穀。後因空廩坍塌。移用及估變十

六廩。今存南倉六廩。北倉七廩。實貯穀三萬石。除豁免民欠穀六百九十九石八斗零。社倉。亦所以輔常平。分繫各鎮。以與戶口

相衡。邨落則列其要者。寺觀不足言建置。陵墓不宜入建置。附錄之。藉金石以識鄉聚也。

在城鎮領街七。堡三十八。戶一千九百九十四。社倉五楹。在城內縣署南

府行署舊址。貯穀三百七十二石二斗零。北郭有報本寺。景泰元年。萬曆四十年。嘉

慶十三年。邑人補修。有僧了覺。張汲。火神廟。舊在郭外。東北野田楊錦堂碑記三通。寺有浮屠七級。郭外有香山寺。有

傾圮。移建今址。有萬曆。養濟院。舊在郟城驛。西郭外。有香山寺。有

靖十九年。鐘。鴻禧觀。有嘉靖二十六年。康呂賜邑人重修。碑記三通。康

二水寺。在武水。漢谷之交。寺舊有石大士洞。明重修。碑記三十年。知縣

名蓋改建。在文昌祠後。

東郭有漏澤園。

郭今皆有。

東有官渡渡。

東原麓。有東嶽廟。舊在二水寺南後没于水移建今址孫真人洞

有萬歷三十一年張鍊碑記南郭東。有書院義學田。嘉慶二十四年劉積順捐地

一十二畝樹勲價買郭西原半。為西郭。南有葆真菴。綠野亭原址

有演武教場。舊在東郭門外南為臘吉坡。有姜嫄墓。修廣十丈郭南。南里

城。周貞元十五年築城於此漳環邨。有書院義學田。乾隆二十四年知縣瑪星

澗西莊。康氏海別業莊西。有康氏海墓。後志有宋游師雄莊在北郊康

海汧東草堂在漳水東李時芳別業在南郊崖下耿志煒怡園在

稷山顛馬鳴世大觀亭在南郭西原麓又有符上人泐園康浩城

南精舍張汲會昌園遺址無考今皆廢貞元鎮。距縣城東二十里。領堡七十五。戶二千八百八十八。社倉

五楹。倉廩皆在本鎮貯穀四百二十五石六斗零。鎮有韓店舖。距城十里乾

元寺。有萬歷十二年鎮載高望鄉東。可曾舖。距韓店十五里舖西西牛家寨。有

書院義學田。康熙五十九年學政覺羅逢泰捐地一十五畝西南坡頭邨。東北。高望川。有

卷之一 九

高望亭。亭基存

長寧鎮。距縣城東四十五里。領堡八十三。戶二千二百六十。社倉

五楹。貯穀六百三十五石七斗零。鎮有長寧舖。距可曾舖十五里

關帝廟。舊長寧驛丞署乾隆二十六年知縣張心鏡置北皇

甫邨。有黃龍寺。有萬歷四年鐘西北。河道邨。有香城寺。有嘉靖五年

本名興隆禪寺成化已丑重修改今名又東北。馬午邨。有社學寺。有正德十三年碑

邑人張沂建南焦上邨。舊有興城里社學

薛固鎮。距縣城東南五十里。領堡五十八。戶一千九百八十二。社

倉五楹。貯穀八百二十一石五斗零。鎮有成國故渠。故白渠。渭北

有書院義學田。嘉慶十五年樹勲詳撥薛固鎮西至杜家堡灘地二十四頃二畝九分撥陳家坎等堡灘地一頃八十

四分西渭源邨。有渭水渡。東渭源邨。舊有渭源里社學有渭水渡。有平定

寺。寺內有卧佛有成化四年鐘有西南。永豐里。西北。燒香臺。舊有

康熙五十四年鐘載節婦鄉

學社 有望仙宮。有嘉靖二十七年碑記 西南馬坊堡。有渭水渡。後志

鎮有康洋渭  
北別墅今廢

普濟鎮距縣城東南四十里。領堡六十。戶二千一百四十三。社倉

五楹。貯穀七百三十六石七斗零。鎮有成國故渠。隋地理志永豐渠普濟渠疑皆

在故白渠。疑即成國渠故道 城隍廟。有康熙三十五年鐘 南鄭邨。舊有會同里社學 西南高

家寨。有渭水渡。北顯義里。又北新尚邨。有聖壽寺。有乾隆四十七年碑記 東

北香灣。有書院義學田。乾隆二十八年知縣瑪星阿捐地五畝

大莊鎮距縣城東南二十里。領堡六十一。戶二千二百五十四。社

倉五楹。貯穀六百二十一石二斗零。鎮有成國故渠。漢故渠上承功至高陵入渭 故白渠。唐故渠合漳水莫谷香谷武安四水溉武 東有霄

湟廟。有萬曆三十二年鐘 廣元寺。有崇禎元年鐘 義樂寺邨。有義樂寺。有景泰五年碑記 寺內有關於帝廟。有萬

東南尖柏樹。有關於帝廟。有嘉慶三年陝西巡撫秦

卷之一

承恩碑記載本年二月白蓮賊據渭將宵濟廟出紅燈及渭數百聞奔馬聲賊遁蓋神佑也 何家堡。有渭水渡。

西北高邨。舊有郃封 有洪教寺。有嘉靖四十四年鐘 觀音堂。有白

兔寺。後志李淳風母墓在寺內 又北漆邨。俗名南店子 又北毛家嘴。有武水渡。客山

廟邨。縣以東原為客

永安鎮距縣城西南二十里。領堡四十七。戶一千九百三十三。社

倉五楹。貯穀八百一十七石三斗零。鎮有成國渠。永慶寺。有乾隆

年四十年碑記載嘉靖二十四年重修今西有聚仙宮。俗名圪塔名興隆寺嘉靖二年鐘載周原鄉永安里 廟有萬歷

碑記廟建于宋太宗至道元年。太白祠。在聚仙宮東有池 東北建

子溝。有恩義寺。寺基長一百二十丈寬二十一丈郃封錄疑即安

養堂亦唐南姚安邨。舊有永安 東崖子堡。有書院義學田。乾隆二

太宗遺跡。南姚安邨。舊有永安 東崖子堡。有書院義學田。乾隆二

知縣瑪星阿詳撥灘地。高家嘴。有書院義學田。乾隆二

七畝七分二厘五毫。高家嘴。有書院義學田。乾隆二

三畝六分。武水東張捕邨。舊有永豐 石谷邨。立節堡有慈德寺。有宏

楊陵鎮距縣城西南十五里。領堡七十七。戶二千一百四十一。社

倉五楹。貯穀七百九十三石八斗零。鎮有成國故渠。西魏六門堰

通濟渠疑五泉故渠。長安志引十道志渠自扶風界流入經三時

皆在此關帝廟。有乾隆二十年碑記東博邨。有唐蘇許公環墓。修九十步

姚安邨。有龍岩寺。有正德十五年鐘川口。有武水渡。下川口。有舟渡。

北。三時原。在漳南。北周瑯琊郡三時原上見庾信撰墓志原西鏡

照寺邨。舊有姚安社學有鏡照寺。有宏治十五年鐘東磨李溝。有漳水

渡。楊邨。有舟渡。柴家嘴。有書院義學田。嘉慶十六年樹勳漳北西

原新寨。有蘇環神道碑高九尺廣三尺五寸二十八行每行六十

蘇府君之碑十二字篆書按序云唐景雲元年十一月巳太子

少傅許國蘇公薨明年三月巳西制葬于武功之先塋建碑于

西一十里神道碑存碑文約千五百餘字湮滅者三百餘字前志

卷之一

謂剝蝕過半乃仍羅家堡。有唐殤帝陵。唐地里志武功西原殤帝

石墨鑄華之誤重茂見中宗本紀及三宗諸子列傳前志有隋煬帝墓第

封錄云當是殤訛為煬陵修四丈六尺五寸廣四丈六尺上營堡。

有書院義學田。乾隆三十七年知縣李周原堡有西原發脉周原故

鄉名游鳳鎮距縣城西北二十里。領堡五十八。戶一千二百六十一。社

倉五楹。貯穀四百八十九石五斗零。鎮。舊有游鳳西有海潮院。有

化四鐘鳳泉渠。自西原東溝出東流逕鎮入武水長安志有南。焦陽

邨。有沮淤水瀦葦中賈志良溝泉在縣據北十五里永樂又南。湫

初湧出據里數亦當即此水南。王澤邨。舊有亭舍今廢有宋游師

池溝。有清涼寺。有嘉靖四十年南。王澤邨。舊有亭舍今廢有宋游師

雄墓。在華家堡南墓修五十三步廣四十八步墓志石今在西安

內勸農事兼提舉商號等州兵馬巡檢公事騎尉賜緋魚袋借

紫游公墓誌銘張舜民撰邵武章蓋安民敏姚文安延

年模刻誌云游氏于世居京兆之武功曾祖永清祖裕光濟公以

紹聖三年七月卒于陝州十月葬于武功縣西原鳳岡之先塋

夫人仁壽縣君張氏祔公龍家門有漢蘇中郎武墓修廣八丈五尺西腰

子堡有書院義學田嘉慶十二年張監田捐地五畝北橋子堡有書院義學田乾隆

四十年又北郭房廟有郭房廟乾隆四十年碑

載周原鄉武水東蒜邨岸底邨

魏公鎮距縣城北二十里領堡五十五戶一千五百五十五社倉

五楹貯穀五百七十七石一斗零鎮有城隍廟碑記康熙四十七

年鐘載周原鄉南奉安邨舊有奉安里社學有書院義學田乾隆二十四年知縣

分岡上邨有三官廟有萬曆十年碑記東南礬邨有雙聖廟有乾隆五

所邨有書院義學田嘉慶十七年魏楹捐當地蘇坊邨漢蘇中漠

谷東南北兆邨有書院義學田乾隆七年知縣楊毓芳董晁舖縣

北十里凡十鎮六百一十二堡二萬四百一十一戶社倉穀六千二

百九十一石零

祠祀志第三

前明祠祀。正德以後。未聞改革。

國朝釐正祀典。而損益備焉。

先師孔子廟崇德元年定。順治二年。定於每歲春秋仲月上丁日致祭。通行直省。州縣各學遵行。雍正元年。增建啟聖祠。祀

孔子五代祖考。武功廟殿。舊在縣署東。明萬歷九年。知縣曹崇朴

重修。有張鍊碑記二十五年。知縣劉中正補修。有張鍊碑記

國朝自順治十七年。乾州知州署縣事。袁州佐重修。有州佐碑記歷知

縣倪離梧。張叢。孫琮。工乃畢。乾隆四十五年。知縣胡鼎蓉。請

帑重修。繼以紳士捐資。祠宇益增鞏固。

社稷壇。順治元年。定直省州縣。每歲春秋仲月上戊致祭。武功壇位。舊在北郭外。雍正十年。知縣沈華。增建壇垣三十四丈。門樓四。

卷之一

壇高三尺。寬二丈五尺。

神祇壇。順治初年。定于每歲春秋仲月致祭。雍正三年。定直省州縣神祇壇。設雲雨風雷位于中。境內山川位于左。城隍位于右。武功壇位。舊在南郭外。雍正十年。知縣沈華。增建壇垣。如社稷。

先農壇。雍正四年。定直省州縣。建先農壇。及藉田。每歲仲春亥日致祭。行耕藉禮。壇制高二尺一寸。廣二丈五尺。武功壇位。在神祇壇東。本年。知縣杭雲龍建。舊志作二年誤並建先農祠三楹。祠前貯耒耜

祭器房各一楹。藉田五畝。

關帝廟。順治元年。定于五月十三日致祭。雍正三年。增祀

關帝三代祖考于後殿。五月致祭外。增春秋二祭。武功廟殿。舊在南郭。稱武安王廟。明隆慶元年。邑人重修。有李朝綱張鍊碑記崇禎七年。

知縣劉渤然修。有耿志煒碑記十二年。知縣許國修。有縣社碑記

國朝順治五年。知縣周曰熙。有教諭姚隆運碑記康熙十年。紳士馬應福等。

有舉人李大春碑記乾隆四十五年。知縣胡鼎蓉。有貢生黨植槐碑記相繼重修。

屬壇順治元年定于每年清明日。七月十五日。十月朔日。祭于北郊。設城隍位于壇。武功壇位。舊在小北門外。久没于水。今復舊。

名宦祠亦順治元年定。武功祠宇。舊在縣署儀門東。後改建文廟戟門東。康熙二十年。知縣徐奇桂重修。祀韋維駱賓玉毛若虛李愷薛播張畧陳南仲姚合張及种世衡王頤高士徹呂義山錢秉李宗趙茂曾孟通劉幹張山甫王君杜淵耿忠嚴祀賴禮宮廷曹俊蘇孝寇如圭劉志劉彞高璲張宏陳潤王翼宋學通曹山趙文傑劉紹呂彥士牛揚荆琨曹崇朴相邦教葉映榴。陝西學政四十四人。鄉賢祠亦順治元年定。武功祠宇。舊在文廟戟門西偏康熙二十年。知縣徐奇桂重修。祀富辰蘇武趙禹蘇純李育蘇章蘇不韋蘇

卷之一

十四

則蘇愉蘇祐蘇亮蘇湛蘇讓蘇綽蘇椿蘇威蘇夔劉文靜蘇世長蘇最蘇良嗣蘇瓌蘇幹蘇顛蘇詵蘇震富嘉謨蘇源明蘇弁元讓蘇檢蘇曉游光濟蘇昞游師雄康汝楫馬京符泰張儒珍耿儒張鏞張鍊馬蟠龍馬自履馬當耿志煒馬鳴世丁世勲康國張相焦國鼎焦勤馬應福馬璟張樞康呂賜五十六人。

忠孝祠雍正二年定。武功祠宇。在今訓導宅南。祠三楹。雍正四年。知縣杭雲龍建。祀宇文澄一人。

節義祠亦雍正二年定。武功祠宇。在文廟街南。祠三楹。亦雍正四年。知縣杭雲龍建。祀喬丁氏李喬氏等一百十九人。

文昌祠嘉慶六年。定于每歲二月初三日。秋吉日致祭。並祠文昌先代。武功舊祠。在儒學署東。西向。左有魁星閣。前志未載。後志載

雍正十年。知縣沈華重修。有教諭姚奮聖碑記



城隍祀典在壇不在廟。廟亦正祠也。武功廟宇舊在東門內。明萬曆四十一年。知縣李舒芳倡合紳士重修。有張汲碑記嗣歷百餘年。屢圯屢修。至乾隆五十二年。知縣田灝復倡紳士重修。迄六十年工竣。有張玉樹碑記凡壇廟十有二祀。皆通行天下。著為令典。若武功境內歲有修理防護之例者。則有

姜嫄祠后稷祠皆在城內稷山頂。康熙五十三年。邑人重修。有康呂賜碑記又有宏治年順天府尹興平閻鐸碑記。乾隆二十六年。知縣瑪星阿重修。有孫景烈碑記

嘉慶十七年樹勲重修。有直隸按察使靈保碑記又有

唐太宗祠在鴻禧觀後。康熙四十八年。邑人重修。有康呂賜碑記又有宋崇寧元年。趙茂曾。明洪武初。都督耿忠。碑記二通。又有

漢蘇武祠在香山寺。祠舊在蘇坊村。明成化間。没于河。像經水不損。昇祀北郭外香山尼寺。萬歷間。張鍊請于上官。別建祠于西原

卷之一

十五

大道旁。明季復遭兵燹。仍移像香山寺。見乾隆四十四年張介題壁康熙三十年。知縣倪離梧重修。祠三楹。又有

宋張子橫渠先生祠在綠野書院。詳建置。凡五祠。每歲終。與姜嫄蘇武蘇瓌游師雄康海五墓。彙報護理如令。舊志載唐高祖祠在太白祠後已廢又載

康太史祠在十字街東南。明嘉靖時列入祀典。耿太常祠在儒學東。今二祠俱存。子孫自行修理。此外又有

太白山神祠在城西北鳳岡上。明崇禎七年。知縣劉渤然。有耿志燁碑記國朝順治五年。知縣周日熙。有教諭姚隆運碑記乾隆二十六年。知縣阿明

阿。錢汝器。有生員葛炳麟書碑相繼重修。非武功境內山。亦祀之。太白舊武

功也。亦猶姜嫄故祠舊屬武功舊境。古郃城。武功因墓建祠。禮緣義起。蓋亦人心風俗之故。孫氏景烈撰姜嫄后稷祠碑記。深得祠祀精義。故備錄之。其辭曰。吾邑姜嫄祠。據宋龍圖學士宋敏求氏長安志。在城外西南原麓間。傍有后稷祠。余嘗按其遺址。當為今

望周原之禾黍。戶慶豐穰。人歌樂利。於乎職思哉。其何以端士習厚民風。遜志詩書。陶情禮樂。仰副

聖天子治化之隆。而永荷思文無疆之德庇也乎。此余因士民之請。而不能已於言者。願與士民共勗之。非盡侯之責也。侯名瑪星阿。字景謙。滿洲正黃旗人。丁卯舉人。

續武功縣志跋

康氏海撰武功縣志夙稱名作後賢繼述韓沈嗣踪規步矩行罔逾尺寸錢氏後起書成倉卒未免冗雜貽譏樹勲承乏武功多年深喜俗美風淳留心採訪擬事考訂上元 董觀橋先生巡撫關中觀風下邑合叅志乘命樹勲曰康氏志自成一家人不可損益續作繁瑣久易散逸合三書爲一以續舊志且便觀覽其君之功乎樹勲唯唯退而博覽

昭代典章徵求人物名隽並得孫西峯先生邵封聞見錄適延長令諸城王君森文被議閒居延爲纂輯體遵舊志傳用別裁合三志之人文歸一家之義例起于故明嘉靖壬午止于

國朝嘉慶甲戌共述七篇以續康氏志後所以成 觀橋先生之志也康氏志舊本爲孫西峯先生所刻近多漫漶與續志並付劖

跋

一

刪其注釋評點悉依原本校正無或訛漏焉樹勲旋調長安刊刻始得卒業因識其顛末附於篇終時嘉慶二十一年丙子孟冬秀水張樹勲跋于長安官廨

